

三水縣志卷之十二

列女

在昔劉向列傳班姬七誡嗣而范蔚宗女史凡閨中奇烈悉爲備載皎然與日月爭光焉嗟夫丈夫之能立節者以其嘗學問知名義也然且不數見况巾幗者流其閒生逢不偶而卒能慷慨赴死從容就義非貞烈天植能辨此乎太史遷曰夫婦之際人道之大倫也守道以全倫人生之大行也微而必彰舊者存之遺者補之新者錄之洵足以廣勵風俗矣志列女

三水縣志

卷之十二 列女

列女

譚氏胥江人黃道夫之妻嘉靖三十三年西山賊流劫氏奔匿不及爲賊所掠渡江至中流給賊渴甚乞寬縛就飲賊信之遂併所襁子投水而死

梁氏龍池人梁廷翰女適高明縣山川生員黎輔輔早喪孀守事姑孝謹賊掠鄉奮身救姑賊憐其色欲污之大詈曰死賊吾夫秀才也孰敢辱我乎遂被害具見高明志 以上死節者

陳氏西村人西南梁允淇聘妻未歸淇商外十餘載厄命於賊淇父母未知也爲之遙娶以待陳歸事

舅姑甚孝逾年冬月得報洪于石門遇害氏聞變
慟哭絕而復甦服斬衰三年一日陳父母欲奪其
志潛已許他人矣懼不可奪乃走一婢詭言母病
危甚偕肩輿促歸蓋欲昇達所許者家也氏揣知
其情卽垢容敝服不肯登輿與婢徒步奔至母前
計遂沮居常有語及再醮者卽掩耳大哭語者却
走洪家不育童僕閫以內凡井臼縫爨之役氏悉
任之姑性嚴重待之或少恩氏處以愉婉惟益敬
謹而已無忤言愠色蓋三十餘年如一日也萬歷
壬子鄰族里排及通學上其事於縣知縣閱上其

三水縣志

卷之十二

列女

二

事於憲司縣旌扁曰節婦貞女學道扁曰冰操無
雙兩司扁曰閨貞瞻以月糧後四載卒年五十六
淇弟汰囑當街屋四閒爲祠橫涌田三畝附四房

蒸嘗族人同祀之

按遙娶之說事屬創聞但未見夫面因而勵節則依然處子之

貞故可傳也由今所聞天湖李綏寧孫媳方氏者西樵文襄公孫女也未嫁奔喪先謁宗廟翁姑次開衾纊晤夫之面旋加緇纒俾夫若成人者嗣是槁容閉戶不通問詢誓守盟以盡焉其志其識更爲可嘉但以方在苦貞未便稱表而有不容默默者亦存其事于有待也因附記此舊志

陸氏白坭人陳適中之妻年二十三生一女而夫卒
自誓守節事舅姑以孝處妯娌以和鄉族稱之無
間言卒年八十有二

陳氏西南民何葉盛妻葉盛經商道卒陳年十九無子家用不敷紡績爲活篝燈敝帷蕭如也鄉人高其節請諸有司爲建不二天坊以表之年七十終知縣朱端明遣吏致祭營墓鹿峒涌口表石見存蔡氏獨樹岡人適西南街梁鉞年二十六孀守無子性素峻潔終日默坐或累月不踰閭值家多難翁及二叔連喪氏竭蹙料理撫諸幼姪如己子擇繼允洪享壽八十有三

何氏南海大欖村人三江增生陳傑妻二十五孀守無男子止存二女諸兄弟以年少家貧勸令改適

三水縣志

卷之十二

列女

三

氏從一爲誓日勤紡績加以敬謹族里欲待其年逾五十乃舉旌表甫四十八卒

以上皆無子而守節者

陳氏西南人年十九歸李時逢踰年時逢卒遺腹兩月生子享遠服闋姑舅憐其少欲嫁之氏不從矢志不二勤於紡績謹事舅姑年六十四知縣朱旌其門曰冰清玉潔

鄧氏九水江人陸體剛妻歸半載而剛卒年十九遺腹六月舉男鄧矢志不二事舅姑備極孝謹鄉閭感化壽七十八卒

杜氏周村人龍池梁維爵妻歸僅朞月而爵亡杜年

二十二遺腹生男杜飲泣撫孤獨處一室凡婚姻宴會皆不與焉兄杜喬掄早喪當訣使人語之曰守節是矣不亦難乎氏矢志不奪姑病禱以身代其教遺腹子鞭策不爲姑息子名效孟少補弟子員族嘗以孟母目之故云

梁氏高要將仕郎梁碧峰女西南街李孟陽妻也陽業儒不就好咏吟假經商遊歷西甌北流閒有泗城土官聞其名邀之甲戌季冬陽付書官審蘇崑崙歸悉旅情後卒于泗土官禮葬之氏年二十七乙亥春遺腹舉男卽秋聞訃焦枯愴怛幾絕復甦

三水縣志

卷之十二

列女

四

者數兼之堂有垂白家無擔儲俯仰無聊或有以難守狀告者氏輒指死爲誓身任操作篝燈紡績十指爲劬命男小名曰泗哥志勿忘父終處也每以讀書成人爲孝訓泗故泗長而名曰克孝從母志也少婦遺孩勉子成名并大受報於若孫及卒香山李文恭大宗伯爲之銘墓謂有婦德而又有婦才蓋稔之者素矣

劉氏橫村人適龍池梁儲吉吉亡時氏年二十七僅二女遺腹乃產一男家甚貧無瓶儲粟執婦工爲食以鞠遺齡事姑曲盡其道不以貧委年五十九

卒

區氏利瓊人洗文潤妻嫁未暮而夫以遊學客亡遺腹子逢熙區矢志孀居家貧紡績事姑孝敬未齒不衰後熙用吏階謁選授主簿卒于途遺二孫氏哀號撫卹見年七十三歲崇正九年知縣沈帛米致問扁旌其間通詳司道佇俟旌表以土皆守節而撫遺腹者羅氏高要羅岸村人性澹素適白垵陳九韶九韶名家子亦英特不羣補開建廩生羅以父喪愆期年二十有二歸之事舅姑以孝事夫以禮九韶早喪羅年二十九撫孤峻栢居喪哀慟鄰里感嘆寡居

三水縣志

卷之十二

列女

五

數載有以改志訪者卽以死自誓訪者不敢言自後服素茹蔬凡諸閭內宴飲皆不與貞靜自守以此終身邑令朱秋林爲之立傳

黃氏清塘鄧介甫妻年十八孀守食貧育孤紡績自給治家有閨範親族咸德之壽九十七終

李氏金竹人陸敏學妻年十八適敏學二十生子可潔甫十日而夫亡家貧父母欲奪其志李日抱其子泣曰此陸氏一家命脉也棄姑事二姓吾何忍每一語及輒悲號不食父母懼乃止苦節六十年如一日得病諸孫環侍李曰而輩勿戚俟而翁忌

日歸接我乃行耳至日沐浴而逝正其夫死之年
月日也鄉人以爲節感所致

郭氏清塘陸仲南妻南卒氏年二十孀居誓不改節
奉姑以禮教子有方言動悉關家教年九十五知
縣閔旌其門曰節壽並崇

鄧氏九水江人陸萬載之妻萬載亡氏年二十二或
憫其少諭令改適氏毀容立志閉戶不出孝事舅
姑人無閒言撫孤便旣成人爲娶婦陳氏亦旦夕
事鄧甚勤及鄧卒陳哀慟太過遂與同逝聞者傷
之

三水縣志

卷之十二

列女

六

陳氏白坭人龍池梁維智妻年二十六孀守一子廷
翰方二歲矢志撫育教以成立閨儀端肅有孫國
相婦爲驪坑陸氏亦二十八孀守食貧廢飾紡績
育孤婦節前後並著云

郭氏新村人龍池庠生梁仁妻二十六而孀服闋舅
憐其志使姑諭之曰汝少婦能爲吾兒孀居乎吾
兒昔從諸生中有大志汝他日不媿地下人矣氏
哽咽共姜自許育孤成立惟服女工絕去容飾壽
七十五

鄧氏鄧坑人龍池梁道華妻華貧糊口於外客死高

涼子名世亦週歲鄧年二十有四訃至一哭而絕水漿不入口者數日或勸曰兩伯仲可依耳千里於他日香煙誰託乎與其從死曷若撫孤鄧因勉飭粥顧四壁蕭然內外俱苦而紡績給膳自如也卒年八十

鄧氏金竹民陸道甫妻十九適道甫生子希禹希孟年二十二夫亡哀傷自殞者數四夫家貧父母欲爲改適乃自剪髮以示不二撫育二子紡績以供羹粥猶善於訓誨後希禹以歲薦起家希孟亦以吏材致用

三水縣志

卷之十二

列女

七

陳氏三江生員范顏諫妻歸范兩載范遽殞繼而翁姑淪亡力殯三喪叔伯因靠矢志無他撫子鶴卜長遊鬻序娶婦衛氏未幾一載孫甫孕腹卜已告終范祚存亡賴氏扶植衛氏賦性順懿能嗣其志相率靖節遠近嘖嘖嘆稱經生儒排里等簽舉本學呈縣給扁旌異藩司汪詳按院行學扁獎雙節貞操以維倫紀云

陳氏龍池梁定餘妻歸門恪奉巾櫛僅星週而定餘卒守志堅貞茹苦力貧撫遺男毓成立壽八十四歲卒

蘇氏三江范東山妻其先出自名族婦範風著范旣
往益堅貞勵勉課子吳成名出仕爲邑宰有聲氏
從之任祿養年已八十每諄諄訓子遂爲良吏士
民祝頌有序

鍾氏高要練溪鄉福州同知鍾大成之第三孫女幼
稟貞淑素嫻禮文于歸白坭邑庠陳萬穎爲妻事
姑相夫孝敬勤儉康熙十二年甲寅三月十二夫
被賊傷氏朝夕枕棺泣血斷葷歎粥淡薄自甘數
十年如一日也治家嚴肅訓誡二子長子興讓進
邑庠鄉族鄰里咸頌賢德

麥氏董藁麥啓謙之女許配白坭浩叔爲妻未及歸
門浩叔染病風顛欲聽另適氏矢志不從仍歸配
合生子產宰浩叔卒氏孀守撫子孝敬翁姑庭無
間言年六十而卒

龐氏貢生龐大壯之女許配何殿升未及歸門康熙
五年夫故奔喪守節歷今二十餘載貞操有如一
日紳士里保公報詳奉具 題優獎

鄧氏清塘陸挺異妻異卒氏年二十孀居誓不改節
儉積置產立嗣茹苦四十餘年六十五而卒合都
紳士父老聯呈前府李前縣房旌其門曰栢節流

芳

鄧氏南岸鄧伯垣之女也許嫁官員潘羽豐未字及笄聞其夫死告父以奔喪不許越三日牛女之期更衣褻體自投於江遺下一履又三日而屍出顏容不改遠近文人有詩賦弔焉後此殞處積成一小壑故永傳爲烈女壑云

鄧氏洲邊李平山妻年二十四孀守勵志有孤拮据家務始終無有間言壽九十歲卒

李氏天湖人適西南梁允治治以承差入京道至安慶得病不起李氏年僅二十長子歲餘次子尙在

三水縣志

卷之十二

列女

九

遺腹卽矢志不渝事舅姑以孝處妯娌以和閭內肅然歷苦貞五十餘載崇正乙亥布政使王旌其

門曰閨節維風

以上俱撫孤完節者

蘇氏蓬村鄉民蘇孺蘭長女配岡根鄉民陸懋德爲妻時年二十歲未娶夫故奔喪守節康熙三十七年旌表建坊

何氏南岸村民何玉珍女年十七歲適稟頭村民黃聲叔爲妻歸門四載年二十一歲夫死守節康熙三十七年旌表建坊

盧氏范湖村民盧運生女配本鄉民何裕斯爲妻年

十八歲未娶夫死奔喪守節康熙四十四年旌表
建坊

方氏許字天湖李永球崇正八年永球未娶身故氏
年十八聞變奔喪泣血殯葬畢守節不二家貧紡
績度活竭力養姑於康熙己酉年卒

何氏魯村何起鵬女許字蔡坑陸博文未嫁夫卒氏
奔喪守節歷六十年如一日知縣顏其閭曰不字
貞

黃氏十八歲適陸兆樞二十二歲夫故栢舟自矢立
繼裕後

三水縣志

卷之十二

列女

十

龔氏城內生員黃長嗣妻讀書知大義年二十三而
寡立繼以存先祀其姑李氏亦孀守相依爲命孝
事不怠焉

麥氏洲邊李掄士妻三十而寡家貧守節以終

陸氏洲邊李朝遠妻遠未娶而亡氏奔喪守節其父
憐其少召之歸寧欲爲改適氏知之潛投水死

勞氏大壩山生員董國幹之母二十八歲夫亡孀守
事姑教子卓有可稱

周氏三江胡占泰妻年二十六前庚寅七月七日被
兵掠至根丫涌義不受辱置兒道傍投水而死

鄧氏大海洲范繼昌妻二十五歲夫亡矢志冰霜紡績教子長魯嬰生員卒八十一歲

胡氏庠生林中梓妻二十八歲喪夫孀守事姑孝謹教子成名壽七十有六

蘇氏蓬村人新生梁采苹妻夙嫻儀訓早年喪夫哀毀不欲生念姑年高兒在抱矢志孀守事姑教子足不履戶外前縣程旌其門曰淑節維風壽七十
四雍正二年本縣黃扁曰節孝可風詳奉旌表建坊入祀節孝祠 以上舊志

陳氏鄧坑梁爲鸚妻幽閒貞靜事姑以孝撫嗣以慈

三水縣志

卷之十二 列女

十一

雍正四年旌

徐氏下灶徐廣明女龍池梁蒂華妻夫故孀守節孝無虧雍正四年旌

何氏麥瑞芝妻雍正四年旌

張氏蘇佐斌妻雍正四年旌

區氏蘇文雅妻雍正四年旌

區氏梁純諷妻雍正四年旌

溫氏洗佐大妻雍正五年旌

陳氏白坭阮能長妻雍正五年旌

何氏馬鞍岡陸涵遇妻雍正五年旌

區氏林先讓妻雍正五年旌

鄧氏阮異正妻雍正七年旌

陸氏陳禧且妻雍正十三年旌

周氏劉象乾妻雍正十三年旌

以上載府志

陳氏角里林文新妻雍正十三年旌

麥氏城內東門坊舒繼貞妻監生璘之母也青年守

節雍正十三年旌

陳氏角里林宗煥妻夫故守節事姑以孝聞持己無
物議立繼承祧乾隆二年旌

陸氏清塘鄧與叅妻叅故日勤紡績孝養厥姑乾隆

三水縣志

卷之十二

列女

十一

二年旌

潘氏角里林維宗妻年二十四夫故矢志孀守事姑

立繼以承宗祧乾隆二年旌

黎氏蔣岸鄉范純禧妻少年孀守撫育幼子孝事翁

姑婦道無虧乾隆二年旌

潘氏角里林士隆妻夫故守節教子有方乾隆二年

旌

周氏許配梁掌儒爲妻未婚夫故奔喪守節乾隆三
年旌

歐陽氏梁采璣妻夫故孀守孝順成性俯仰無忝乾

隆三年旌

張氏梁爲龍妻夫故矢志堅守承順無逆撫孤有方
乾隆三年旌

區氏角里林緯妻夫故守節紡績度活乾隆四年旌
郭氏歐陽蟾妻夫故孀守敬事翁姑教子有成乾隆
五年旌

梁氏許配郭觀英爲妻未及歸門夫故奔喪孝順孀
姑撫育幼叔乾隆六年旌

鄧氏郭俊侯妻夫故孀守紡績供親立繼承嗣乾隆
六年旌

三水縣志

卷之十二

列女

三

陳氏鄧鳴客妻夫故孀守勉承菽水備極艱辛乾隆
六年旌

馮氏李迴凡妻夫故家貧撫育幼子紡績事姑乾隆
六年旌

黃氏許配陸應吉爲妻未及歸門夫故奔喪紡績奉
姑撫育幼叔乾隆七年旌

何氏許配李宗鵬爲妻未及歸門夫故奔喪孝奉翁
姑立繼裕後乾隆七年旌

陸氏金竹人白坭鄉陳殿輝妻年二十四而夫故時
長子公祚年僅六歲次子聯祚方在襁抱氏孀守

撫孤動循禮法內外無閒言乾隆七年題請建坊
旌表卒年八十有二次子聯祚孫應年俱國學生
曾孫攀桂領嘉慶辛酉科鄉薦登桂職員元孫汝
謙邑庠生

梁氏莘村郭學聰妻守貞立繼乾隆八年旌

梁氏鄧其景妻夫故孀守上供菽水下育孤兒乾隆
八年旌

鄧氏蘇定理妻夫故孀守上奉哀孤下撫嬰兒乾隆
八年旌

區氏清塘鄉陸海似妻守節撫孤鄉黨稱之乾隆八

三水縣志

卷之十二 列女

十四

年旌

馮氏李紹廣妻夫故孀守仰事衰顏俯提遺息乾隆
九年旌

徐氏鄧子卿妻夫故孀守恭承孝養婦道克全乾隆
九年旌

潘氏陸邦文妻夫故孀守竭力事姑撫育無忝乾隆
十年旌

陸氏陳上信妻夫故孀守克盡孝道撫孤承祧乾隆
十年旌

賴氏水流石鄉吳上賢妻夫故殉節矢志不移捐生

就義乾隆十年旌

鄧氏李允彝妻夫故堅守罔玷清操事姑無閒乾隆十年旌

何氏大壩山董侯就妻夫故孀守上奉老姑下撫幼子乾隆十年旌

陸氏劉國賢妻夫故孀守孝思足式母範堪嘉乾隆十年旌

區氏陸蘭生妻夫故孀守竭誠孝養撫育孤雛乾隆十年旌

甘氏陸盈仰妻夫故孀守以媳代子秉心守義乾隆十年旌

三水縣志

卷之十二 列女

五

十年旌

周氏大壩山董侯樂妻夫故守節克勤克孝教育有方子元邑庠生乾隆十一年旌

林氏梁方傳妻夫故守節事翁姑而盡禮教孤子以成人乾隆十一年旌

區氏陸子英妻夫故孀守紡績奉姑撫育孤女乾隆十二年旌

駱氏范端晟妻夫故堅守奉翁姑以盡孝撫稚弱以成家乾隆十二年旌

袁氏大壩山董侯權妻夫故孀守菽水承歡克盡婦

道乾隆十三年旌

黃氏梁采雍妻夫故孀守撫育幼兒竭盡孝道乾隆十三年旌

王氏陸秋江妻夫故孀守紡績奉翁和丸教子乾隆十三年旌

張氏梁承用妻夫故孀守承奉老姑立繼承祧乾隆十三年旌

鄧氏莘村郭杰英妻少孀守節立繼承嗣乾隆十四年旌

謝氏南邑謝維經之女許配梁廷彥爲妻未及歸門

三水縣志

卷之十二

列女

十六

夫故奔喪孝奉翁姑義教繼子乾隆十四年旌

蘇氏區侶滙妻夫故孀守孝事翁姑撫育幼子乾隆十四年旌

李氏大壩山董濟今妻夫故孀守孝事老姑立繼裕後乾隆十五年旌

陸氏郭運顯妻夫故孀守仰事俯育婦道無缺乾隆十五年旌

陳氏許配郭以敬爲妻未及歸門夫故奔喪菽水奉姑立繼承嗣乾隆十六年旌

謝氏陳世安妻夫故孀守心同金石婦道可風乾隆

十六年旌

徐氏鄧坑梁爾瞻妻夫故孀守孝義兼全阨窮堪憫
乾隆二十年旌

林氏林廷望女蘇佐宸妻夫故孀守紡績侍奉撫育
孤男乾隆二十年旌

趙氏許配岡根鄉陸登聖爲妻未及歸門夫故奔喪
玉潔冰清紡績度活乾隆二十六年旌

周氏清塘鄉陸瞻璫妻夫故孀守立嗣承祧乾隆三
十四年旌

郭氏許配周唯瞻爲妻未婚夫故奔喪守節乾隆四
十八年旌

周氏陸榮杼妻夫故孀守日夜紡績事奉翁姑立繼
承祧乾隆五十九年旌

黃氏西南陳俊成妻年二十八夫故其子德昌年甫
五歲矢志孀守事姑孝順迨德昌長成娶李氏爲
妻僅及五載德昌身故李氏與姑苦節同守鄉黨
稱其孝義一門雙節嘉慶六年同旌

陳氏西南陳昌女許配艮坑鄉張耀郎之子輝瑗爲
妻年十八未字夫故氏聞訃奔喪矢志貞守侍奉
翁姑曲盡婦道撫育繼子以承宗祧年逾六旬常

如一日嘉慶九年旌

陳氏中灶鄉鄧宗澤聘妻夫故奔喪貞守知縣王匾
曰貞孝完人嘉慶十四年旌

陳氏文山鄉鄧良瑞妻職員擴祖之母也青年孀守
備嘗貧苦克豎母儀教子成立嘉慶十五年旌

鄧氏白坭鄉陳銘聘妻未字夫故奔喪貞守始終無
間嘉慶十八年旌

馬氏白坭鄉陳邦大妾青年守節孝義兼全嘉慶十
八年旌子建伸職員

鄧氏白坭鄉陳亮南妻年二十夫故孀守菽水事姑
三水縣志

卷之十二

列女

六

立繼承祧嘉慶二十年旌繼子朗亭國學生

李氏西南陳彥妻秉性淑慎賦質堅貞年二十五夫
故栢舟矢志黃鵠終歌孝義稱於閭里嘉慶二十
三年旌

鄧氏南岸鄧馥蘭女西村舉人陳明新子爾梅妻年
十九夫逝守節事姑盡孝訓嗣有方嘉慶二十三
年旌

潘氏白坭陳始華妻年二十五夫故守節事姑承顏
順志甚得姑歡屏絕鉛華義方訓子嘉慶二十三
年旌

鄧氏文山鄉廩生周元槐妻清塘鄉鄧崧齡女少年夫故矢志堅貞元槐早歲能文刑于孝義氏終身敬慕不苟言笑嘉慶二十三年旌

陸氏金竹鄉陸悅侯女涪尾鄉鄧輔權妻年二十二歲夫故其子自新年僅一歲苦節孀守聘媳陸氏九水江陸培國女自新身故聞訃奔喪擇立繼嗣與孀姑矢志貞守一門貞節孝義嘉慶二十三年同旌

陳氏南岸鄉鄧秀儒妻年二十二夫故矢志孀守孝事翁姑立繼承嗣嘉慶二十四年旌

三水縣志

卷之十二

列女

九

馮氏南岸鄉鄧發儒妻年二十二夫故孀守事老姑而盡孝矢志苦節而靡他嘉慶二十四年旌

李氏白坭鄉陳遇君妻結褵甫六月夫故孀守四十年婦節皎然孝事翁姑終身弗懈家貧無嗣未得旌表亟登諸志以備他日續行題請焉邑中同斯苦節者前後有二十五人表微闡幽弗敢或遺也

劉氏漢塘鄉生員劉開緒女三江鄉胡祐妻

梁氏周村鄉杜佐邦妻

徐氏鄧坑鄉生員梁爲孚妻

林氏清塘鄉陸紹虞所育內姪女同里鄧用光妻

陸氏龍池鄉梁建謨妻

陳氏莘村鄉郭瓚中妻

林氏莘村鄉郭匡聖妻

鄧氏黃岡里周名耀妻

薛氏南海大稟鄉薛時英女清塘鄉鄧作宦妻

郭氏莘村鄉郭岳茲女清塘鄧樂進妻

陳氏清塘鄉陸煥廷妻

陳氏清塘鄉陸燦遠妻

周氏橫村鄉劉麗咸妻

三水縣志

卷之十二

列女

三

劉氏松邊村劉持國女岡根村陸在田妻

梁氏沙水梁儒賢女上塘村陸國典妻

陳氏清塘鄉陸榮伯妻

馮氏上灶鄉生員鄧公祚妻

張氏上灶鄉鄧澤和妻

陸氏周灶鄉潘紹祖妻

鄧氏驪洲鄉陳君錫妻

陸氏白坭鄉陳瑞生妻

郭氏郭朝賓女木棉樹村黃學渭妻

葉氏歐邊村歐用國妻

岑氏小洞村麥成姓妻

謝氏蔣岸鄉岑希孔妻

梁氏周村鄉杜昌宇妻夫故時年二十八孀守三十一年孝事翁姑克盡婦職訓子成立卓有賢母風焉子時中孫重光皆邑庠生

朝旌未及邑乘所先凡節孝之婦有子成立及擇繼爲後者懿行相同並列於左

游氏鄧坑鄉鄧才萬妻孫福大嘉慶戊寅

恩科舉人

陳氏白坭鄉陳端儀女文山鄉周錦江妻子俊瑀領

三水縣志

卷之十二 列女

三

乾隆壬子科鄉薦

鄧氏清塘鄉陸祖願妻立嗣承祧

鄧氏清塘鄉陸發天妻立嗣承祧

陸氏白坭鄉陳允奇妻子充本邑庠生

蔡氏獨樹岡村蔡振超女梅村胡福大妻庠生振廷母也年十六于歸二載而夫歿老姑以哭子成病氏月餘產遺孤乃忍哀互相解慰姑病尋愈子亦成立

陳氏雄旂鄉歐陽敬輿妻撫孤成立

鄧氏雄旂鄉歐陽悅千妻立嗣承祧

鄧氏大塘山鄉國學生董時啓妻節婦董李氏之媳也子定邦定颺俱邑庠生定颺例授按察司照磨梁氏原任昌黎縣知縣梁肇文女魯村何屏宰妻年二十四孀守撫孤成立

馮氏清塘鄉陸韜奇妻撫孤成立

鄧氏清塘鄉陸炳常妻立嗣承祧

潘氏龍洲鄉劉維東妻立嗣承祧

陳氏驪洲鄉職員陳建邦女清塘鄉職員陸裕祥妻立嗣承祧

駱氏胥江大塘村林麗璧妻撫子成立

三水縣志

卷之十二

列女

三

李氏胥江南岸村廩膳生曹驂文繼妻撫子成立

彭氏彭坑鄉彭玉堅女岡根村陸兆宗妻立嗣承祧

陳氏龍池鄉梁懷珍妻立嗣承祧

戴氏獅嶺村戴子盛女同里吳日寬妻立嗣承祧

龔氏永安里謝芳琪妻撫子成立

盧氏歐邊村歐用賓妻撫子成立

陳氏龍池鄉梁兆鳳妻撫子成立

李氏蔣岸鄉生員范際時妻立嗣承祧

蘇氏三江鄉蘇祖授女同里郭容妻于歸三載夫歿

氏方孕悲號幾不欲生其姑泣謂曰吾兩人暮年

喪子所望延一綫之緒者視汝遺腹耳毋過傷損重悼子心氏順命節哀尋產一子舅姑相繼去世氏殯葬悉如禮子名星圖年二十八邑庠爲娶譚氏生孫秉璇甫六齡而星圖又歿氏與媳譚撫養遺孤冰霜共矢鄉里無不憐而敬之

梁氏角里鄉生員梁芳進女同里林應騰妻幼讀書通文翰于歸後生一子一女年二十四而寡家徒壁立紡績自度日令其子侍機側口授經書晝夜不怠南海人知州梁昌聖聞其賢延課女孫辭曰婦人無外事况爲師乎或勸之行堅不往迨子受

室延母受新婦謁氏袖出一書曰此吾父手書向未示汝今試讀之其子跪而讀曰餓死事小失節事大汝勿因貧改操云云子執書長號不能仰視觀者皆哭新婦亦嚶嚶啜泣焉卒年六十有四劉氏角里鄉林行濟妻家有餘資爲善弗替撫二子皆成立

郭氏清塘鄉陸宗軻妻撫孤成立

區氏大岡鄉梁宰南妻撫孤成立

梁氏雄旂鄉歐陽貫一妻立嗣承祧

陳氏清塘文山鄉鄧顯邦妻撫二子皆成立

李氏大壩山鄉董侯藩繼室國學生時啟母也年二十七而寡撫時啟成立時啟死妻鄧氏亦以孀節顯撫孤定邦定颺皆成名另詳鄧氏傳

杜氏鳳起鄉周桂元妻撫孤成立

莫氏大塘村林松枝妻二十四歲而寡撫子仰寬成立娶媳莫氏仰寬死其妻與姑孀守慈孝並稱姑現壽一百歲媳已七十有七矣雙節雙壽出諸一門人咸推重云

錢氏崖州教諭霍學源繼室廩膳生孔鉦母也源卒於官氏年僅二十二撫前室子孔鍾孔鏞孔釗如

三水縣志

卷之十二

列女

五

已出一體訓誨與孔鉦俱名列膠庠

薛氏新生鄉梁大賓妻賓客死於外氏孀守撫孤成立

陸氏白坭鄉陳銓臣妻生六女無子立嗣承祧完嫁六女食貧自甘

楊氏塘貝鄉嘉慶丁卯科

欽賜舉人劉國寧之祖母也原籍嘉應州適國寧祖在穎早年孀守節孝兩全乾隆二十四年嘉應州牧曾顏其閭曰慈竹春暉後隨子鵬可遷三水儉積成家子孫蕃衍塘貝一鄉無不欽其賢者遷居八

籍旣久故不以流寓目之與吾邑之守節撫孤者同垂不朽云

何氏三江鄉進士胡建偉之媳璣之妻也年二十四而璣亡悲號欲絕葬時將以生殉衆力挽乃止每逢夫忌日必嗚咽絕粒孀居三十餘年而卒

譚氏璣弟贈文林郎珩之妻也結褵期年遂失所天矢志守節足不踰戶翁建偉歷官閩省二十餘年合家隨任氏獨不往珩弟珩欲爲之請旌氏曰夫死妻孀分也何旌爲後珩以己官貤贈兄嫂氏膺孺人封典並命長男人繼珩後以慰其志焉氏與

三水縣志

卷之十二

列女

三

何氏一門雙節爲邑乘之榮故首列之凡守節而未撫孤者悉列于後

李氏三江鄉胡建長妻

陳氏清塘鄉鄧廣德妻

李氏大岡鄉梁喬成妻

陸氏大壩山鄉邑庠生董亨之妻

董氏魁岡鄉鄧裔華妻

李氏大壩山鄉董翰文妻

林氏胥江莘田村李光緒妻

陳氏鄧坑鄉梁樂傳妻

陳氏潛邊鄉鄧德成妻

梁氏鳳起鄉周允敷妻

李氏上灶鄉生員鄧鳴妻

陸氏上灶鄉鄧奕源妻

鄧氏周灶鄉武生潘寵遇妻

岑氏蔣岸鄉李超秀妻

死節者四人

梁氏白坭鄉陳誕宜妻爲四會縣吏攜妻子偕往儻屋以居順治九年寇犯四會圍城甚急眾不能禦開城四逸賊人肆掠氏恐其所污卽抱幼子投井

三水縣志

卷之十二

列女

三

死誕宜出被執旋釋回寇旣平從井出母子骸顏色如生厚殮歸墓遠近以節烈聞

戴氏埗嘴村戴孟超女同里楊顯明妻年十九歸顯明克修婦道奉翁姑勤紡績食貧自怡凡五年夫故卽欲身殉恐重傷堂上心吞聲飲泣至喪葬事畢還入門從容自縊儒學李信祖楊受傳同撰列婦擦以弔之

杜氏上灶鄉鄧秩光妻秩光客死西粵氏年二十一訃至終夜號哭不數月以咯血死戚里爭憐之

張氏張士仁女許字龍潭鄉宋文伯之子英官年十

八婚有期矣聞英官訃慟哭不食闔戶自縊死宋以合葬請於張族議僉同遂祔焉從貞女之志也
貞媛

劉氏龍洲鄉劉任顯女許字大濬鄉鄧高賢爲室未嫁而夫殞氏聞之奔喪守節事翁姑喪盡禮年逾六十貞擦凜然夫以處子而知大義尤風俗之美也雖未請旌當與節婦並傳凡未嫁而奔喪貞守者悉列於後

梁氏清塘鄉陸顯祖聘室年十八夫死奔喪撫尸慟哭哀動左右殮葬畢卽開慰老姑委曲承順雖家

貧身勤紡績以供孝養自甘蔬食有美食必畱待以復進始終不衰姑歿喪盡禮奉先祀恪謹香燈因親屬丁稀以薄產不能擇繼人嗣老病時哀懇族衆將先祀附入祖祠族人憐其苦節承允生平孝順幽貞女德之僅見者年五十九而終

郭氏清塘鄉鄧名揚聘妻年十九聞夫故卽稟親奔喪伊父母以名揚家業單寒多方勸阻氏哀號以死自誓入門卽對殮悲慟臨穴時情切身殉送葬者皆爲垂淚終其身不與外事惟帶淚勤工度日虔奉先祀香燈茹蔬服素現年八十二歲

陳氏大涪鄉鄧政賢聘室

黃氏白坭鄉陳天惠聘室

郭氏三江鄉梁都華聘室立嗣承祧

植氏三江鄉梁揚之聘室都華之猶子婦也孝奉翁

姑與叔母郭氏共相勗勉人以為難

陳氏清塘鄉鄧式佳聘室

黃氏周村鄉杜茂璽聘室

鄧氏莘村鄉郭扶兆聘室

陸氏莘村鄉郭汝碩聘室

陸氏黃岡里鄉周應宗聘室

三水縣志

卷之十二

列女

三

劉氏龍洲鄉劉毓賢女岡根村陸華聘室

鄧氏龍池鄉梁傑德聘室

陸氏白坭陳蕃子聘室立嗣承祧

陳氏白坭鄉陳正邦女上官員鄉陸智廣之子文瑞

聘室文瑞身故氏年十八聞訃奔喪孝養翁姑擇

瑞弟之子為嗣撫以成立當氏哀毀奔喪時酸慟

動人有婢鄧名來菊者感其貞協愿從歸宋氏以

老人並賢之

賢媛

鄧氏白坭鄉陳德昭妻事姑以孝聞昭由端郡庠生

舉孝廉授湖廣夷陵州判轉雲南金齒衛經歷鄧氏偕妾黃隨之任尋舉一子昭居官廉潔歷任一十餘載囊無儲蓄卒於金齒貧不能歸當道暨紳士大夫争相賻助鄧氏得以偕妾攜子扶襯歸葬閉門相守課子成立妾孤苦相依終其身不聞諱語云

李氏高要人雲南建水刺史李九崖孫女白坭鄉陳懷古妻也懷古冠帶族正性伉爽喜交遊賓客過從無虛日氏德性貞淑佐以中饋必豐必潔無怠意無愠容歲時展祀蘋蘩誠恪子以博服膺母訓

三水縣志

卷之十二

列女

三

動必以禮邑宰重之延舉鄉飲介賓知之者謂得賢母力焉氏卒同邑大夫梁聞野爲志墓

陸氏白坭鄉邑庠生陳似洲妻似洲以博學見知於何端恪少穎悟父自見早歿母羅氏孀守訓育晝夜讀書不輟娶氏歸益刻勵焚膏繼晷不問生產家業所入多不繼氏悉以紡績佐之篝燈瑩然機聲與書聲相應也教誨五子各有成立里黨至今稱之

周氏白坭鄉邑庠生陳宛馮妻稟性貞順閨房雍睦夫歿撫育諸子克守詩禮孫曾雲礽含飴自樂年

八十有五以壽終

鄧氏白坭鄉陳行日妻行日貧乏氏于歸後奉翁以孝持家以儉紡績所入寸累銖積日漸充裕不數年卓然成家喜矚人之急施予不吝而以樸誠誨二子五孫席其業多置身皇路焉年八十有二而卒行日自有傳

羅氏白坭鄉陳贊宸妻性和婉克循婦職生一子後卽勸夫置妾媵取家事悉委之勾稽約束則董其成焉後妾梁氏連舉四子葛覃樛木之風見諸鄉曲洵美談歟

陸氏白坭鄉陳喜教妻氏許婚後喜教染惡疾翁以醫治不痊恐累媳乃與氏父母書聽從別適氏聞之矢志不二或諷之以死自誓父母不能強卒歸之琴瑟敦篤而惡疾亦不染人咸以爲貞節之感云

鄧氏白坭鄉陳自齋妻歸殯後以勤儉自率克修婦道一家雍睦無勃谿聲訓子及孫勉以大義少有錯迕卽涕泣不食子孫感畏各能成立人比之郝鍾禮法云

陸氏白坭鄉世襲千戶陳大捷繼室馮氏遺一子氏

撫之如子出時尚寒微勤紡績以持中饋與妾劉形影相依食貧共勵大捷應都督陳璘聘贊平反側十餘年於外專心帷幄成世襲助得以無內顧憂者氏持家之力也

補志

區氏白坭鄉陳樂靜妻樂靜死年甫四十遺四子俱幼氏孀居撫育勗以義方咸次第成立其次子梧軒尤負物望邑宰禮請鄉飲人皆稱其能秉母教云

黃氏白坭鄉庠生陳冕妻冕從白沙先生遊稱高弟

三水縣志

卷之十二

列女

三

子氏貞靜端莊相夫以禮見者謂有梁孟風冕卒時氏年尚少矢志栢舟立嗣承祧鞠育過於已出與樂靜妻區氏貞節同揆而壺德亦相伯仲因舊志闕載亟補之

附壽婦

潘氏周國器母一百零二歲乾隆九年建坊旌表

張氏蔣岸鄉生員范敬敷妻現年一百零二歲

按漢書列女傳所載不止節烈事有常變而能矢志不貳歷始終而如一者斯可以傳矣善乎前縣朱秋林先生之傳節婦也謂節婦之賢雖

植自天性而漸摩于內庭之教名門之範居多
今志乘所載徵其名必問其爲某氏之女某氏
之婦悉心考訂所以表揚懿德爲何如矣

聖朝睢麟化洽王政不基于門內哉

舊志論曰國家賞善刑淫此何爲者耶將以嘉
勵海內助揚風化也乃至婦子而清操自勵有
死無二者斯果何人歟夫人不難以死自守世
之議者猶疑其出于勉強與出於沽名往往靳
而不錄亦甚非善善意矣洪範曰有爲有守汝
則念之而言守之當錄也不協于極不罹于咎皇

則受之言錄之不當求全也

清興凡勝國諸臣有守義死節者咸與恤錄嗚呼
可以知列女矣